

LETTRE DE

L'EMPEREUR,

ENVOYÉE

A MONSIEUR LE PRINCE

de Condé, & autres Princes &

Seigneurs François.



A PARIS,

Par JEAN BOVRRIQVANT, au mont

S. Hilaire, près le puits Certain, au

Lys fleurissant.

M. DC. XV.

t.

Case


F

39

1326

1615 matt

THE NEWBERRY
LIBRARY



*Lettre de l'Empereur, enuoyée à Monsieur
le Prince de Condé, & autres Princes
& seigneurs François*



ON COVSIN,

I'ay tousiours eu ceste croy-
ance que le courage gravé dás
vostre cœur par vos glorieux
ancestres nos freres & parens,
paroistra sur les marches d'Hongrie, pour
le seruice de Dieu, la defense de la religion
Catholique, & l'abolition de l'ennemy du
Christianisme. Puis quittant les guerres,
où le malheur du siecle vous porte que vo^s
tournerez royalement vos armes contre les
nations miserables, qui veulent destruire le
culte deu à nostre vostre Dieu, Roy & Sau-
ueur Iesus-Christ. Ce grand tige Royal &
saint, dont vous estes issu par la gloire qu'il
a maintenant dans le ciel, pour le respect
d'un semblable voyage, vous coniure de
ioindre vós forces aux miennes, & briller
par vn victorieux esclair sur tous nous au-
tres qui bandons au peril de nos vies à met-
tre en executiõ l'entreprise que nous vou-
lons faire sur le Turc. Si le grand Hues vi-
uoit, il vous precederoit : & si les Foulcres,

4
Charles, Louys, René, Ducs & Comtes
d'Anjou pouuoient à ceste heure vous cō-
muniquer l'hōneur que remporterez d'un
si renommé combat, ie m'asseure de tant
de vostre valeur qu'elle desireroit d'un
plein vol faire esclatter les tonnerres de ses
canons sur les bastions des Sarrafins. Les
trophées que vous acquerrez en vn tel con-
flict seront autres deuant Dieu, les intelli-
gences & les hommes, que les despouilles
& lauriers que pourriez auoir par les alar-
mes hazardeuses que iournellement vous
donnez à vous mesmes: ie dis à vous mes-
mes, quand c'est à vos François, François si
bien venus aupres du Dieu des armées, si
honorez par les Capitaines estrangers, si
trionphans sur tous les climas de la terre,
que l'on est contraint de confesser, confes-
sant auoüer, auoüant haultement & avec
verité, dire par tout qu'ils sont les plus gal-
lans Caualliers de ce monde. Cesar le reco-
gnoissoit dans Rome, quand il les estimoit
les plus vaillās gens d'armes de toute la ter-
re. Les Syriens & autres peuples barbares
l'ont veu, sceu & cogneu quand ils iugerēt
que vostre grand Louys, surnommé d'Ou-
tremer, les rendit tributaires à ses grandes,
vertueuses, saintes & royales volontez.
On ne les auoit peu suppediter, vaincre &

subiuguer : mais luy par sa sage conduite, par ses valeureux desseins avec peu deffusion de sang, & vne petite poignée de ses François, les fit passer sous le ioug de ses armes. Il vous inuite à cette heure, sans que ie parle de Charlemagne, à arborer l'oriflame François, au lieu du Croissant, sur les mas des Nauires Turquesques. Faites-le, & nous secondez en ce glorieux combat, combat où assistant en personne, ie tesmoigneray comme toutes mes intentions ne sont autres qu'à l'augmentation du nom Chrestien. Charles cinquiesme, mon bisayeul, m'y semond, quand paroissant dans le Royaume d'Alger, il fut la terreur des infidelles. Croyez que sur l'imitation d'un si grand Capitaine que celuy-là, ie ne manqueray à hazarder ma vie & ma Couronne pour oster celle d'Achmet: & la posant sur l'autel Diuin, la presenter à celuy que nous adorons dans le S. Sepulchre de Hierusalem: Hierusalem tant terrestre que celeste vous aurez si vous me fortifiez au conceit general que toute la Chrestienté va faire sous mon nom. Je prieray le descendant du preux Godefroy, Henry de Lorraine, par le sang de ses ayeuls, tant de fois immolé pour l'honneur de Dieu, qu'il aye à vous inthroniser en l'ame le desir &

dessein de m'assister en ceste grande & victorieuse bataille que ie prepare & dessein au tygresque fils de Salim. Il se ioin dra quant & quant avec vous, & vnanimemēt vous animant animera les Luxembourgs, les Orléanois, & les Bouillons bouillonnās des parterres de la March à l'imitation des Saxons, Palatins & Brandeburgs à venir perdre & mettre en desfroutte les troupes malheureuses des Damascins Baschas : Baschias, qui attaquez par vaisseaux Maltesques d'un costé, bouclez d'un autre par le Sophy de Perse & le Prestre-Iean, flambez tout à coup par vos fouldres guerriers, & les miens, de rage de la perte des siens se ietteront en mer pour aller trouuer dans les lacs stygieux leur Mahomet. Courage donc cher Cousin, & laissez toutes partialitez, pour conseruer & augmenter nostre pure, Chrestienne & Catholique Religiō. Je ne fais aucun doubte, que si vous venez avec les valeureux François à Vienne, les Lys paroistront fleuronants, verdoyants sur l'aride iardin des Otomans ? Otomans, qui vaincus & perdus qu'ils ont esté par les vostres, me baillent croyance, non pas esperance, que victorieusement vous planterez le puiot Royal des tres-Chrestiens dans Constantinople : & qu'abattant les mos-

quées paganesques, vous remetters sus les temples Sacrosaincts de Iesus-Christ. Emmanuel de Lorraine, vray Mercure de la Diuinité, à la prise d'Alba Iulia, que ne fit-il Charles de Gonzague de Cleues, Duc de Niurnois ? comme ne parut-il temple de despoilles & de trophées sur les ennemis de la Trinité à Bude ? Gentil Laual où es-tu maintenant brillant deuant le Soleil de la Deité, sinon que pour auoir hazardé saintement & courageusement ta vie sur ceste Gothesque nation. Nostre bon frere, que Dieu absolue, Rodolphe a eu toute l'obligation de ses victoires à ses Grands François. A son exemple ie vous bailleray le triomphe qui viendra du conflict que ie prepare à ces blasphemateurs de l'humanité diuine. La prophetie de sainte Brigide nostre Allemande me fortifie sur la prediction qu'elle fit des François, que si vous m'accompagnez en l'affaire dont ie vous parle, que vous n'ayez le chef entouré d'une gloire d'immortalité, & moy victorieux par vostre assistance ne vous rendvne actiō de graces, apres Dieu, à toute perpetuité : M'asseurant que vous ne m'escondirez de ma demande, ie prieray l'Eternel de vous combler de ses graces, & croire que

ie suis à vous & à tous les Princes & seigneurs François,

MON COVSIN,

+

Tres affectionné,

MATTHIAS.

De Prague ce premier
Octobre 1617.